



大聖福州等覺禪院住持傳法廣慧大師達果收印

直經板頭錢恭為明今上皇帝祝延聖壽

聖壽闔郡官僚同資祿位彫造廣燈

錄一部計三函時大觀三年正月日一謹題

天聖廣燈錄卷第二十七變異文初時非命皆非乘

吉州清源山行思禪師第十世於教入世六端本世

台列天台山德韶國師法嗣見五錄

杭州九曲院慶祥禪師杭州興教寺洪壽禪師

蘇州承天永安院道原禪師

杭州龍山開化寺行明禪師

杭州西山奉諱山主

洪州百丈山道常禪師法嗣見三

廬州棲賢澄謏禪師 蕪州萬壽禪院德興禪師

台越州雲門雍熙院永禪師

杭州九曲慶祥禪師俗姓沈氏錢塘人也六歲本州

龍山千佛寺出家年十一受具於咏勒寺始習律乘

有僧錄文光者於時有名稱遂師之經籍凡一覽悉

記時謂得觀音辯一日嘆曰出世之法願遇至人遂

直造天台山法宗禪師之門師身長八尺手垂過膝

法宗一見異之因僧問絕消息處如何宗曰謝指示

師聞之大有所悟後廻本州當吳越有國仰師名稱

於城中建千光王禪刹請師居之累請不赴乃歸九

曲舊居其地鄰湖岸每春雨夕晦蛙聲蚯蚓頗為喧

雜師語曰吾此禪寂當應清靜由是絕之殆令僧獲

寧居僧問如何是祖師西來意師云汝問在後又問

嶮惡道中以何為津梁師云以此為津梁進云如何

是此師云繁著汝鼻孔問無根樹子向什麼處栽師

云汝甚處得來問湛々圓明請師一訣師云十里平

湖一輪秋月進云恁麼則謝師指訣也師云矇眼閣

梨逢露柱師戊戌歲八月七日順世闍維後收舍利

記塔俗壽六十五僧臘五十四  
枕列興教寺洪壽禪師僧俗姓曹氏以晉後主閔運元  
年甲辰生干錢塘年未及冠告父母懇願出家從之  
禮天龍寺朗智禪師為師落髮受具徧講遊肆深究  
毗尼後參天台山韶國師一日因普請般柴墜石乃  
成一頌曰撲落非他物縱橫不是塵山河及大地全  
露法王身國師然之復廻故里大慈山結草為菴至  
大中祥符九年知州馬亮請住興教寺開堂師降座  
云鍾鳴鼓響各自知時大眾若更上來遂成鈍漢時  
有僧始出問次師便珍重下座晚參次僧問朝賢致

請師登座未審提綱意若何師云倉麼學云不會師  
云去又云且道交他去意作麼生莫是辜他麼所以  
常向僧道堂中有粥飯寮內有茶湯你不言不會不  
會也難藏便恁麼信去無事珍重示守園翁頌  
未必生芽在苦求  
工夫用盡園真闊  
雪峰古鏡頌

人人有面古鏡  
參玄上士迷頭  
僧舉古人棒喝偈

何法門而不鑿  
緝線老婆頓悟

山色長新人白頭

古人一棒一喝

河沙妙音該括

喝處能辨聖凡

棒下便知死活

人天眼目洞開

今古悟迷頓豁

德山老子當時

直下更無毫末

示機

圓明法界性

不用強脩習

凡聖勿盈虧

悟迷那安立

棄之棄不得

覓之覓那及

百千億如來

咸從此門入

師住五載告退居上方乾興元年壬戌三月二十日  
端坐示寂世壽七十九僧臘六十二州民以穰沉茶

毗之收舍利起塔於舊菴址

蘇州承天永安道原禪師上堂有僧問如何是佛師

云吽者旃陀羅進云學人初機乞師方便師云汝問

什麼學云問佛師云吽者旃陀羅又僧問如何是佛

法道理師云與地盡足為鼠穿踰進云還報國恩也

師云不唯負國兼乃謗吾又僧問如何是祖師西

來意師云問者如牛毛進云請師答牛毛之問師云

師子咬人不逐塊進云恁麼即學人造次也師云一

等學問罕有闍梨問蓮華未出水時如何師云馨香

齒蓄進云出水後如何師云絕消息問如何是學人

自己師云十字街頭尋不見樂橋亭下問船翁進云  
急驟即一切皆是也師云演若之狂未是狂問承古  
有言向上一路千聖不傳如何是向上一路師云盤  
山大無端進云未審千聖還垂慈也無師云也與盤  
山下較多  
杭州龍山開化寺行明禪師陞座云大般不用近前  
苦道來者裏有佛法未來者裏豈無也若道無即有  
分劑也若道有作麼生是有底道理若於未來時體  
悉及到者裏方有會處所以祖師云法本本來法無  
法無非法何於一法中有法有不法古聖大悟風幡

或喝下見性棒下成道見聞知覺俯仰折旋何處不  
是諸佛出世祖師西來直指人心見性成佛不用一  
毫心刀何不構取且作麼生構若構不得亦不由人  
大衆爲什麼如此十界綿大四牛活不無絲髮暫相  
違背珍重僧問諸佛出世普爲群生和尚今日如何  
示徒師云更待答話在學云急麼則昔日靈山今日  
能仁師云由是虛言問已登法座請示玄言師云道  
什麼師云咸平四年無疾而終僧臘四十五世壽七  
十起塔于本山  
杭州西山奉諍山主師錢唐人姓鳳氏幼年出家弱

冠受具師在方丈內坐有僧問古人題維摩方丈不  
得意旨如何師云你試題看學云某甲不答師云不  
答却好學人礼拜師云汝親到維摩方丈來乃成頌  
曰  
維摩方丈非高格  
三萬二千坐不窄  
我今居處太寬大  
也應容得諸禪客  
一日謂衆曰諸人幸自可憐生教諸人信去早是無  
端爲什麼如此湏名云彼自無瘡勿傷之也師於天  
聖三年九月十五日齋時跏趺而坐結弥陀印而終  
俗壽八十僧臘六十

廬山棲賢寶覺院澄謏禪師陞座有僧問朝蓋親臨  
於座右諸師方便演宗乘師云在座證明問慧劍  
再提於此日請師呀吼定雌雄師云劍在什處處進  
云恁麼則廓落乾坤裏通風截殺流師云野狐精問  
趙州石橋度驢度馬三峽石橋當度何人師云蝦蟆  
蚯蚓進云恁麼則百草盡露恩師云踢不著問如何  
是棲賢境師云雲開特地新進云如何是境中人師  
云禮拜了退問善財彈指樓閣門闕未審和尚今日  
如何師云驗問五老幽奇即不問如何是祖師西來  
意師云你怎生舉似人進云恁麼則全因此問也師

云有什麼交涉師云問話且止若論佛法應不如此  
爭鋒競問祇如今日各人道長老開堂盡來聽法且  
問諸人長老未開堂時還有佛法麼若道無又爭得  
到今日所以先聖道我為汝保任此事終不虛也而  
況至道無門見之者祇在斯須背之者刹那萬劫此  
其非向上之流方能定驗若是中下之士且於方便  
門中隨宜見取不待積劫修證頓起無學作麼生是  
無學快須薦取久立珍重上堂僧問仙洞昨朝師罷  
唱樓賢今日請敷宣師云來日又作麼生問進云未  
審如何領會師云箭過新羅問承聞和尚親見百丈

是否師云聞誰說進云未審時如何師云適來猶較  
些子問龍離碧洞已入雲烟向上宗乘請師舉唱師  
云別置一問來問承教有言如來無所從來亦無所  
去故名如來如何是如來師云你布施大衆為是呈  
解師又云一時來去者真聚集道聽長老說禪長老且  
不說菩提涅槃真如解脫諸人又聽箇什麼菩提涅  
槃也祇是寐語五千四十八卷亦是閑處著到且問  
諸人將箇什麼聽為將身聽為將心聽身心各不相  
知諸人又作麼生聽此事亦須是親見始得故於方  
便中隨宜得解始有少許相應若是佛法也不到寶



覺口裏說若說天下人望風結舌如無孔鐵鎚又立  
珍重上堂僧問大中衆已臨於座側請師方便爲敷宣  
師云三十年後看取進云與麼則大眾得聞於未聞  
師云大眾未許你在進云他時專得爲流通師云不  
用閑說問五巒那邊師罷唱三峽新奇請師宣師云  
那邊事作麼生問承教有言止今不須說我法妙難  
思如何是難思法師云大眾聽者僧問進云恁麼則  
大眾有賴頌師云非公境界問如何是佛師云張三李  
四師又云未離仙居與諸人相見了纔到石橋早是  
重說偈言且問諸人什麼處是相見處那裏是重說

偈言處莫是正恁麼時是相見處麼若作此解會緊  
繫草鞋莫錯下名言好珍重上堂僧問明心慧日師  
已與實覺利物又如何師云你試舉明心慧日看進  
云與麼則三千年後專爲流通也師云鈍置殺人云  
云未審過在什麼處叩云還我話頭來師又云幸然  
無事被鼓聲催了上來道我參長老爲是法堂裡參  
爲復法座上參長老且不曾與上座爲對待上座即  
須自參所以玄沙和尚云我與釋迦同參若解恁麼  
十方知識一時現前若不恁麼解辜負丈夫氣久立  
珍重上堂僧問承古人有言三界唯心萬法唯識唯

講唯心是一是二師云次徐說在進云從此蒙師親  
指示未了之人又若何師云靜處去師又云不可淨  
地上著糞掃便歸方丈上堂僧問此是選佛處心空  
及第歸學人如何得及第去師云不才謹退問古人  
斬蛇意旨如何師云猶未知痛痒問學人又在浮沉  
乞師直指本心師云誰信你進云來未得者如何師云  
汝自擔枷過狀進云大眾證明於座側學人禮拜謝  
師恩師云閑言語語師又云今時師僧問活印本打就  
箇人一般未有一箇本分問話者看他茱萸和尚上  
堂直汝諸人莫向虛空裡釘橛有僧便出來道虛空

是擬茱萸便棒且道者僧出來恁麼道具眼不具眼  
茱萸當時便棒且道打他什麼處大家驗看珍重晚  
參上堂衆集師云早晨不與諸人相見今晚不可無  
便下座上堂僧問毗目仙人執善財手見微塵諸佛  
祇如未執手時見箇什麼師云如今又見箇什麼問  
三峽石重橋即不問如何是和尚家風師云汝何不問  
石橋事師又云長老又不可索喚也若不索喚叢林  
冷落忽有人出來便棒又且如何道若是賞他人有  
甚長處若是罰他人過在什麼處莫是繞恁麼出來  
便是不得賽若恁麼會於佛法中未有道理在除此

別怎麼生商量各請定當看珍重上堂云正說知見  
時知見俱是心當心即知見知見即于今此是祖師  
付法偈楞嚴會上又道知見立知即無明本又且如  
何有優劣無優劣莫非久在叢林上座方能辨別若  
是初機後學也莫指東認西久立上堂僧問滴水簷  
頭墜下當正好聽古人言畫出畫出是何聲師云你  
又怎麼問作生進云怎麼則見月休觀指歸家罷問  
程也師云又是妄語問鶯聲滿谷華木芬芳如何是  
學人得力處師云你怕人不知進云怎麼則觸處皆  
真師云也是閑處者力師又云法眼和尚道春日晴

黃鸝鳴日暖風和煦物情更聽落崖流水聲古古恁  
道是甚時節鳥是迷時語悟時語試裁辨看珍重上  
堂僧問寶覺門下還有不及第者也無師云龍門無  
宿客問鼓聲纔罷大眾雲臻向上宗乘乞師垂示師  
云你從什麼處來進云上根之者已曉師機中下之  
流如何辨白師云你且子細問達磨未來時此土還  
有祖師也無師云汝識祖師也未問承教有言若言  
如來有所說法即為謗佛此意如何師云汝猶未信  
在問古人云有物流動人之常情如何是不遷義師  
云古人似不曾說問承教有言不持戒者名持戒

教意如何師云汝且分別記取進云怎麼則無自性也師云欠汝此說師又云不持戒者名持戒是有戒可持無戒可持為是性戒為是遮戒此若不明十二時中破却不少且道什麼是破處出家人須明大乘性戒若也明得山河大地一時消殞便下座上堂僧問承教有言清淨本然云何忽生山河大地未審此意如何師云汝疑什麼下麼問求真上大不有究竟安大元無學人擬休去師還許也無師云大眾總見你問進云向上更有也無師云細看前話進云大眾證明學人禮拜師云新羅未是遠師上堂云大眾王道平

寧一雨一晴便下座僧問如何是天然底事師云我祇管看問從上諸聖從何而證師云汝從何證問承先德有言會萬物為已者其唯聖人乎未審如何物師云還明已也未進云學人不會師云適來却疑著上堂云佛法無事大家共行大家共止滿日是色滿日是聲諸佛妙義於此明得千里萬里歸堂歇去上堂僧問大眾已臨於座側乞師一句指歸源師云分明記取進云怎麼則見相不生癡愛業洞然元是自家珍也師云且莫虛頭問前際不來後際不去時如何師云中問事作麼生進云怎麼則當處出生隨處

滅盡也師云火觀察在問昔日明心今朝慧日未審  
是一是二師云大眾子細聽進云恁麼則一言纔合  
道無二亦無三也師云也是汝恁麼會師又云他問  
昔日明心今朝慧日者專向他道大眾子細聽且道  
有分付處無分付處祇如恁麼問見明心來見慧日  
來還驗得麼其如東問西問也不無上座若也不明  
慧日口似棉擔上座若問慧日直得望風結舌明眼  
底辨取若也未明且莫聽聲響好珍重上堂良久云  
幸好一盤飯不可強糝椒薑去雖然如此試師噉看  
珍重一日示衆云觸髅常干世界鼻孔磨觸家風古

人與麼道至親至切雖然如此也須子細祇如須彌  
山與鼻孔相去多少試參詳看又立

蘇州萬壽院德興禪師開堂日拈香畢乃云出世天  
機何人委知儻或未薦更立少時便陞座時有僧問  
緇徒而座朝宰臨筵如何是萬壽最初一句師云已  
不及初學云恁麼則祖令已蒙師的旨遐方盡得爲  
宣揚師云適來向你道什麼問如何是萬壽家風師  
云笑殺天下人學云恁麼則參師指示也師云更不  
消得問祖人相傳人相印師今得法嗣何人師云莫  
虛傳學云恁麼則昔時百丈親傳授今朝萬壽爲群

迷師云恁麼會爭得問四眾盡歸於此座未審師今  
嗣阿誰師云大有人未審學云習麼則百丈一曲師  
今唱學人專得為流傳也師云學人又爭得問僚宰  
滅咸臻於此座師將何法報君恩師云謝你分憂問  
如何是佛師云大衆一時瞻仰問如何是和尚為人  
一句師云汝且自為問摩竭陀國親行此令如何是  
此令師云天下大行問如何是萬壽境師云今日總  
見學云恁麼則親蒙指示也師云你作麼生會境問  
如何是祖師西來意師云盡道返西天學云恁麼則  
得過於師云阿誰得遇師乃云問答俱備其誰得

意若向他求還成特地老僧久處深山此為藏拙何  
斯今日入到萬壽門下可謂藏之不得既藏之不得  
分明路現未審諸人阿誰先見如有見處對眾出來  
吐露曾消息師良久眾皆無語師云久立珍重  
越州雲門雍熙永禪師上堂有僧問四海象龍俱在  
此一句西來請單揚師云大衆證明學云玄機高峻  
緣難會再乞慈悲為指南師云不會人慈悲問如何  
是和尚家風師云謝汝檢校開昔日靈山龍如獻珠  
得成佛學人無珠可獻時如何師云莫謾大衆問如  
何是佛法大意師云此意不小問師子未出窟時如

何師云且其哮吼學不出窟後如何師云退後者問  
如何是祖師西來意師云你不會是什麼意學云如  
何是西來意師云謝你領話又云祇如適來向汝道  
不會是什麼意爲復是責汝爲復是不對汝且作麼  
生會若也未會明日更來問珍重上堂僧問祖六相  
傳六祖印師今法嗣六何人師云謝汝相悉問大雄  
嶺頭親得旨若邪谿畔指迷津學人上來請師如是  
師云不勞如是問象龍而座朱紫趨筵祖意西來請  
師舉唱師不對學云雄嶺峯前親得底若耶谿畔倍  
光輝師云適來作麼生會問如何是雲間爲人一句

師云一任舉似人學云忘廢即一言已播於寰中去  
也師云閑言語問如何是秦望峰前爲人一句師云  
分明記取問如何是古佛經路師云誰不履踐問如  
何是學人休心息意處師云拗拄杖得也未問如  
何是迦葉門風師云喜得不墜問如何是百味具足  
底句師云何嘗百味問心王出劫時如何師云更宜  
一徧者問旨龜值淨木本本時如何師云未足爲華問  
起滅不停時如何師云莫妄想問如何是學人得力  
處師云老僧亦承恩問如何是透法身句師云方便  
作法身問如何是不定句師云灼然疑殺人問如何





台州天台山般若寺從進禪師

越州清化山寶壽院志超禪師

漳州法濟院海蟾禪師 漳州淨眾傳先禪師

撫州崇壽禪院稠禪師法嗣見四錄

泉州靈臺山令岑禪師 杭州南山資國圓進山主

杭州臨安淨土院惟素禪師

明州天童山子凝禪師大已上三人語句不收

吉州清源山行思禪師第十一世

廬山承天羅漢禪院祖印行林禪師法嗣見錄

湖州何山宣化院曉禪師

袁州仰山太平興國院擇和禪師

洪州龍沙章江院昭達禪師

臨江軍建山惠力院紹珍禪師

福州古田靈峰道諤禪師

洪州大寧院慶琬禪師 興國軍延壽院慧禪師

漳州報恩院傳進禪師 袁州崇勝楚齊禪師

漳州淨眾禪院智然禪師法嗣見一人錄

漳州隆福院紹珍禪師

杭州靈隱山玄本禪師上堂僧問蚌舍未剖時如何

師云光從何來僧問臨濟入門便喝德山入門便捧

未審此意如何師云天晴不肯去問如何是靈山境  
師云甚處觀不足師因見僧者經問僧者什麼經僧  
無語師乃有頌

徒勞損眼睛 欲得不損眼

分明識取經

色空頌

堂下色裏無空相

皎々空中絕色形

直下色空無一二

色號元來不我名

杭州靈隱山玄順菴主師蕭山人也俗姓錢幼投福  
列支提山了悟禪師出家受具后入溫列鴈蕩山阜

菴復止杭州靈隱寺師因離鴈蕩有頌

浪客閑吟下翠微

更無一法可思惟

因歸天竺山

藝杖頭挑破衲衣

事大地能一不乾

喜歸天竺過殘年

飢餐困睡無餘事

休說壺中別有天

師至祥符中復有偈云生也孰來死也孰去生死去

來是尋常事夢幻之方電光相似諸法亦然我亦如

是本無言說余今強舉諸請便茶毗更莫停止師言訖

端坐而終僧臘五十俗壽七十

福州支提山雍熙寺文翰禪師明列人於杭列靈隱山景德寺依了悟禪師出家仍受心印師陞座云大眾不假山僧露此機鋒還有佛法繼相轉法輪底道理麼若言無此道理三世諸佛淨妙法輪成斷去始得便有輪轉時不轉時大眾若言有法輪常轉底道理今日何假山僧更陞此座轉此法輪佈成二頭三首爲什麼如此祇如十方世界四時運轉八節推遷物象生成日月輪照乃至風飄雨潤火熱冰寒三界綿々四生浩人爲復是世間法爲復是有爲法無爲法是轉法輪法還有甄別得麼若未能甄別得山僧敢爲

決疑時有僧問堯雲舜日陽和景祖風何似國風清師云可謂赴汝此問學云天人群生類皆承此具刀師云且莫錯定當問高卧烟霞藏密旨修心滅智等寒灰今朝既赴群生請火室之機望直垂師云大眾見汝問學不謝師指示師云且喜汝交涉問昔日靈山一會迦葉親聞今日支提一會誰人得聞師云誰人不聞學云恁麼則見聞之者頓悟無生也師云莫妄想問慈雲普潤三千界利人一句望師垂師云汝瞋睡作麼僧乃畫一圓相呈師云莫鬼怪學云如此之機師如何接師便打

台州天台山般若寺從進禪師上堂有僧問佛未出世時還有佛法也無師云有進云如何是佛未出世時佛法師云是汝問底進云既有又用佛出世作什麼師云莫為不孝之乎明承先德有言清虛之理畢竟無身未審此意如何師云大似虛空釘楔進云虛空是楔又如何師云良藥祇救有命人師乃示衆云后進初心無妨東問西問忽於一言半句下得箇發明處便不辜負出家行脚他古人亦如此或得一言半句便休去或繫著磕著便歇去然雖如此猶未是大丈夫在直饒不於一言半句下便會得亦未必不

是大丈夫在何以故言前解道未是通人句后投機還非達者祇如道言前體道未是通人句后投機還非達者作麼生便得恰好去者曾作玄中別唱格外高談須是恁麼人方構恁麼事若未是恁麼人不如且於隨宜方便中討箇會處好珍重僧問諸佛為一大事因緣出現於世師今出世當為何事師云行出世時來向汝道問古澗寒泉時如何師云切忌飲著進云飲者如何師云喪却性命問萬里無寸草何處放白牛師云萬里無寸草未是放牛處進云未審什麼處是放牛處師云問取石人去問學人未達自

心未明諸法乞師方便指迷津師云自心即且致指  
 何為諸法進云恁麼則心法無二去也師云三四五  
 問如何是祖師西來意師云又見一華開進云學人  
 不會師云結果自然成問眾盲摸象各說異端如何  
 是真象師云聞眼著進云恁麼則得見真象也師云  
 猶乱摸在問如何是龍濟潭裏龍師云不在碧波中  
 進云未審在什麼處師云却歸潭裏去師又云伊問  
 龍濟潭裏龍向伊道不在碧波中且道在什麼處還  
 見麼諸上座若是識龍人一見便休心珍重顯道偈  
 道本絕言奇哉淵曠橐籥天地包含萬象生乎人倫

其用弥廣休曰無根勿稱有狀水底之月山谷之響  
 夫曰真虛皆為妄想  
 諸法各住位偈

諸法各住位 是名真實義 真實義者何  
 無我無我所 我所法既無 有無皆遠離  
 由斯絕見聞 眼界耳界異 色象及音聲  
 沙界元周備 物我甚分明 師子真遊戲  
 送遊方禪人

相堂曾立雪 飛錫更無求 一句分明了  
 諸方自在遊 洞庭看遠水 廬岳過殘秋

人問忘機事 唯言到九州

牧童頌

肥壯白牛攀角上

水村騎過曉烟微

滿原青草從開放 謂向春風和者稀

漁文頌

世上如麻事不牽

逍遙祇在水中天

金鱗得了忘垂釣

一葉輕舟看月眠

越州清化山寶壽院志超禪師錢塘人也俗姓董弱冠出家受具至闍中西明室得旨右住清化山師開堂月僧問如何是佛師云你是什麼人進云莫祇者

箇便是也無師云是即勿交涉問聲色二字如何除得師云你喚什麼作聲色進云爭奈即今何師云即今有什麼師又云我宗無語句亦無一法與人設有言說俱非真實大叡祇如真實底事作麼生還有人舉得察出來對眾舉看山僧為你證明還有麼若無久立珍重  
漳州法濟禪院海蟾禪師俗姓陳泉州人也幼年行脚遇泉州西明清錫禪師一言相契后住漳州法濟禪院師陞座云靈山會上百萬億眾唯有迦葉一人得親聞今日一會不異靈山且道還有親聞者也無

若有親聞者便能續佛壽命令法久住爲若海之舟  
航作昏徧之日月若未能親聞何殊當時退席之衆  
祇如聞與未聞日作麼生會爲復是耳聞爲復是眼  
見若是耳聞誰人聞若是眼見何者是見何不恁麼  
體究衆中還有問事底麼出來道者時有僧問君王  
出世四海澄清未審法王出世有何極濟師云汝作  
麼生會君王出世進云法王出世無他事道合君王  
贊太平師云莫取口頭著到問若以無言說又沒世  
尊言教若以有說恐漏洩祖師西來去此二途師意  
如何師云總是汝恁麼道問雲臺延慶已聽指迷今

日漳城望岳提耳師云汝試舉雲臺延慶者進云今  
日漳城豈無方便師云適來豈是責汝進云兩處迷  
徒歸坦道一輪寶月又騰輝師云是何言欵上堂僧  
問如何是古佛心師云祇如今師云三世諸佛六代  
祖師亦未曾與仁者暫時離隔莫不長垂恩德左提  
右挈仁者未必不依西行之作麼生違背得他恩德  
如闍浮提日出扶桑大地衆生有情無情盡承光輝  
所有一切種人事業皆在光影古人也說如魚在水  
如鳥飛空乃至揚鬣掉尾外高自下還解離得濕性  
空體也無若離得濕性空體向什麼處安身立命何

不恁麼體究取知恩者少負恩者多奉勸上座且知  
息好珍重僧問承和尚有言直道便休去亦是祖師  
來后未審如今便休去什麼處是祖師來后師云道  
上座不先陀得麼進云恁麼即親見祖師也師云大  
衆總見汝進云祖師未來時此道有誰知師云不信  
道進云凡聖不曾異絲髮更無差師云休去得也問  
承教有言見聞爲種八難超十地之階如何是見聞  
爲種師撫掌一下進云如何是八難超十地之階師  
云汝適來作麼生會

漳州淨衆傳先禪師陞座僧問承教有言若能轉物  
即同如來我如目前諸法且作麼生轉師云那箇是  
目前法進云恁麼則諸法凝然皆同無相也師云汝  
自取闕問少室開五葉之華今日聽一乘之理如何  
是一乘之理師云汝作麼生听進云恁麼即無二亦  
無三去師云誰敢信汝進云大衆臨筵焉敢造次師  
云禮拜著問此座高廣吾不能陞和尚今日爲什麼  
陞得師云汝不是問此座問賢侯特地申三請法座  
初臨事若何師云誰向汝恁麼道進云恁麼即幸向  
今朝申一問六國從此不知音師云汝不知音  
泉州靈臺山令岑禪師初陞座維那白槌云法筵龍



象眾當觀第一義師云第一義見成本無言說大衆  
且作麼生觀作有相觀作無相觀若作有相觀即是  
邪見若作無相觀即是斷見不有不無且作麼生觀  
直饒恁麼會得去亦是週遮然雖如此今日豈無方  
便乃陞座時有僧問承和尚有言直饒恁麼會得去  
亦是週遮如何即是師云如何即是進云也知真諦  
無兔馬之遺蹤奈何般若若有淺深之照師云也是閣  
梨自生分別進云恁麼即殊若多性可銷忘爍迦<sub>羅</sub>  
心無動轉去也師云閑言語問昔日五峰今朝雲臺  
如何是不動尊師云進前一步進云恁麼即開慧眼

去也師云未在問教中有言有爲無爲實不實法如  
何是實不實法師云是有爲是無爲問如何是雲臺  
境師云前山后山學云如何是境中人師云瞌睡漢  
師於本院坐化閣維之舌不壞收舍利同起塔  
杭州南山資國圓進山主錢塘人也幼歲婺州禾山  
出家受具後者<sub>到</sub>撫州崇壽契稠禪師法席師乃問如  
何是和尚爲人一句稠云觀音院裏舉上藍院裏舉  
師聞斯語從此契悟僧問丹霞燒木佛意旨如何師  
云招因帶果僧問鵝王擇乳意旨如何師云一撥良  
琴頓清賓主問古人聞木魚聲云又打我也意旨如

何師云一等警衆問古人道庭前栢樹子意旨如何  
師云碧眼胡僧笑點頭問古人道東家作驢西家作  
馬意旨如何師云相識滿天下  
湖州何山宣化院曉禪師上堂僧問如何是何山境  
師云後帝在上峰進云如何是境中人師云還識境  
也未問如何是佛師云衆人瞻仰  
袁州仰山太平興國院擇和禪師開堂日僧問府衙  
受請崇勝宣揚未審當爲何事師云將謂你證明進  
云師既如是靈山會上又如何師云是今是古問群  
侯虔請命不異匿王心如何得示真實相師云有也

未進云如何委的師云禮拜了退問古人道瀉山鏡  
仰山鏡未審古人意旨如何師云你更迴光看

洪州龍沙章江院昭達禪師上堂僧問天得一以清  
地得一以寧和尚得一又如何師云證明得麼進云  
上根之者已曉師機中下之流如何領會師云闍梨  
作麼生會問昔時趙列三等接人今日朝宰臨筵師  
如何接師云即今是進云昔時趙州今日和尚師云  
且莫錯定當

臨江軍建山惠力院紹珍禪師上堂僧問金雞未鳴  
時如何師云是何時節進云鳴后如何師云却不知

時問師子未出屈時如何師云在那裏進云出窟后如何師云且走問世尊無言迦葉無語學人上來請師證據師云且舉

福州古田靈峰道誠禪師上堂僧問承古人有言佛佛授手祖祖相傳未審此理如何師云那箇古人恁道進云我如道吾有正法眼付囑大迦葉又作麼生師云不方如眼進云恁麼即千聖不傳方是的一言合道未為真師云真箇謾語問祖祖相傳六祖印師今得法嗣何人師云阿誰不知進云昔時羅漢親承囑今日靈峰度有情師云者裏不消得問承教有言

於三七日中思惟如是事未審是什麼事師云更莫思惟進云我如古人道體解大道又作麼生師云我欠解在

洪州大寧院慶琬禪師上堂僧問不因衆諸請無由得

見不因師說無由得聞既見既聞又成聲色學人上

來師意如何師云飽叢林問道泰不傳天子令時人

盡唱太平歌未審師今意旨如何師云山但罪過問

如何是相師西來意師云喫問如何是佛師云須彌

山問祖祖相傳六祖印師今得法嗣何人師云有水

皆含月無山不帶雲上堂云生死涅槃猶如昨夢且

道三世諸佛釋迦老師子有什麼長處然雖如此莫錯  
會好拍手一下便下座僧問四見大時無見大山河  
大地又如何師云莫妄妄想問承古有言東山西嶺青  
未審意旨如何師云東山西嶺青雨下却天晴更問  
箇中意鶻鳩生鷓鷹師林  
興國軍延壽院慧禪師開堂日僧問師登寶座群牧  
親臨學人上來請師一接師云從什麼處來進云大  
衆證明學人礼拜師云傍觀者醜問德雲不下妙峰  
頂善財何處得參尋師云汝還見麼進云恁麼則親  
見文殊師云有什麼交涉

漳州報恩院傳進禪師上堂僧問不落師機請垂方  
便師云休去得麼進云恁麼即道因言下了佛不在  
他求也師云棒打石師子頭問縣宰堅令揚祖道利  
人之句若為宣師云莫是辜負汝麼進云恁麼即付  
雨雖然同澍潤根莖爭奈有差殊師云怪別人又爭  
得心對  
表列崇勝院楚齊禪師開堂僧問朝宰已臨於法會  
崇勝家風事若何師云還解證明麼學云恁麼即朝  
宰聆音人天有賴也師云也不得麤心問大衆駢闐  
師座側西來相意事如何師云分明記取進云恁麼

則瞻之不覩不覩常存也師云也須子細問祖之相  
傳之祖印師今得法嗣何人師云也要大眾證明進  
云恁麼即五老峰前親得旨二王臺畔接迷徒也師  
云且莫錯定當  
漳列隆福院紹珍禪師陞座云恁麼舉唱宗乘大眾  
還相體悉得也無若相躰悉得也可謂觸處祖風未  
掌間斷塵中妙旨物々真心終日繁興都無所得眾  
中有達者大家證明令法久住后學初心有疑請問  
時有僧問群主復請海眾駢闐竟磨西來乞師無示  
師云恁意麼進云爭柰學人疑在師云疑箇什麼問  
是境中人師云識取好

渡

東去竺乾機未曉西來一句請師提師云即今在什  
麼處問如何是隆福境師云萬象遠不得進云如何  
是境中人師云識取好

天聖廣燈錄卷第二十八

天聖寬欽錄卷第二十一  
傳心印部今得...  
云且其體定曾...  
廣列隆福院...  
堂別...  
其鼓中人...  
東去...  
...

福州等覺禪院住持傳法廣慧大師達杲收印

經板頭錢恭為... 今上皇帝祝延

聖壽闔郡官僚同資祿位彫造 廣燈

錄一部計三函 時大觀三年正月日 謹題

天聖廣燈錄卷第二十九

吉州清源山行思禪師第十一世

南康軍雲居山真如禪院道齊禪師法嗣見錄十人

南康軍雲居山契瑰禪師

杭州靈隱山南院慈濟文勝禪師

台州瑞巖院義海禪師

杭州龍華山悟乘禪師

明州廣慧禪院志全禪師

明州大梅山居煦禪師

南處列南明山仁壽院惟宿禪師

吉杭州龍華山寶乘寺百忠寶月禪師

天湖列報本禪院義圓禪師

南康軍雲居山惠震禪師

潤州甘露禪院真禪師

廬山慧日禪院達禪師

明州大梅山保福素禪師

越州清化山寶壽子昌禪師

東衢列顯聖寺居耀禪師

去潭州興化寺善能禪師

荆門軍清谿山清禪師

真潭州北禪崇勝寺覺寧禪師

葛列東禪院清顯禪師

杭州南山省堂

南康軍雲居山契現禪師上堂有僧問承古有言般

像雖殊妙明不二為什麼衆生日用而不知師天過

在什麼處學云無麼即明妄非他覺明為咎也師云

且子細好師云諸上座人々具足各人圓成僧是僧俗是俗男是男女是女現行現用饒說在什麼處爲什麼特地不知去過在阿誰恁麼說話事不獲已還有會麼於此會得不妨省徑更若意思卜度轉踈轉遠不如歇去珍重上堂僧問承古有言路逢死地莫打殺無底籃子盛將歸未審師還受也無師云你什麼處得來學云恁麼即不虛施也師云且却提取去師又云諸上座佛法也無事尋常向諸人道不用求真唯須息見還息得也未若也息得見盡情忘體露真修若也不息且問諸人即今見箇什麼還有證

明處麼若也明得許上座有箇人處如若不會徒學多生珍重上堂僧問如何是佛師云讚嘆不及學云莫秣者箇便是師云不令人讚嘆問鼓聲纔罷人散雲臻佛江省徑處乞師指示師云便好散去學云恁麼即全因此日也師云禮拜了退

杭州靈隱山南院慈濟文勝禪師俗姓劉氏婺州人也幼歲出家受具造雲居山齊禪師法席雲居問爲復學佛法來遊山翫水來師云嚮車日久遠離婺州居云是什麼物恁麼來師云特伸禮觀居云汝若爲佛法來什麼處不是汝悟處師默然不對雲居上堂



且子細好師云諸上座人々具足各人圓成僧是僧俗是俗男是男女是女現行現用饒訛在什麼處爲什麼特地不知去過在阿誰恁麼說話事不獲已還有會麼於此會得不妨省徑更若意思卜度轉踈轉遠不如歇去珍重上堂僧問承古有言路逢死地莫打殺無底籃子盛將歸未審誰還受也無師云你什麼處得來學云恁麼即不虛施也師云且却提取去師又云諸上座佛法也無事尋常向諸人道不用求真唯須息見還息得也未若也息得見盡情忘體露真修若也不息且問諸人即今見箇什麼還有證

明處麼若也明得許上座有箇人處如若不會徒學多生珍重上堂僧問如何是佛師云讚嘆不及學云莫祇者箇便是師云不令人讚嘆問鼓聲纔罷人散雲臻佛汙省徑處乞師指示師云便好散去學云恁麼即全因此日也師云禮拜了退杭州靈隱山南院慈濟文勝禪師俗姓劉氏婺州人也幼歲出家受具造雲居山齊禪師法席雲居問爲復學佛法來遊山翫水來師云嚮車日久遠離婺州居云是什麼物恁麼來師云持伸禮觀居云汝若爲佛法來什麼處不是汝悟處師默然不對雲居上堂

舉龐居士問馬大師不與萬法爲侶者是什麼人大師云待你一口喻盡西江水即向汝道居士從此頓悟又云不與萬法爲侶者曰道是阿誰師從此契悟更不他遊后住靈隱寺師開堂日陞座云大施門開所須一任於此構得謂之已物現前還構得麼時有僧問僚宰共臨此會緇儒競集茲筵祖西來意請師爲衆師云散去得未學云恁麼則一音普潤於沙界學人此問下虛施也師云你作麼生會問昔日梵王請佛蓋爲群生今朝大諫請師當爲師事師云汝也須感謝大諫學云恁麼則非但學人々天有賴師云

賴留什麼問承教有言汝既慙慙三請豈得不說如何是說師云善思念之學云五千退席又如何師云退亦佳矣問祖六相傳六祖印師今得法嗣何人師云汝爭證明得學云恁麼則歐阜早年親得旨靈山今日度群生也師云汝得什麼旨問如何是靈山境師云野手難圖畫憑君子細看問古鑑未磨時如何師云古鑑學云磨后如何師云古鑑學云未審分不分師云更照看問如何是和尚家風師云莫訝荒疎學云忽過客來又作麼生師云喫茶去師自承天寺辭退法席之后數載隱居本州興慶庵至天聖四年

朝廷以故駙馬都尉吳元辰宅特捨為精舍御書賜額為慈孝寺於京國中肇建禪林是年春詔俾住持行至楚州感疾而逝臨終前有頌云住亦何依赤亦何滅休問旨歸秋天一月他云古語學之未嘗伏不台州瑞巖院義海禪師雪川人也姓胡氏冠歲出家受具造雲居法席雲居問什麼物忘麼來師於言下  
大悟遂作一頌  
雲居什麼物問著頭恍惚今直下便承當  
猶是自埋沒  
后歸故里祥符中群牧刁衍請師出世住報本禪院

師陞座僧問如何是祖師西來意師云若到諸方但道報本不解答詰問如何是和尚家風師云無諱忌進云忽遇觸忤和尚又如何師云不解作客勞煩主人問釋迦掩室於摩竭淨名杜口於毗耶未審和尚如何示衆師云汝不欲與我聞談學云未曉師機師云且退問法身還有用也無師云你特置此問學云如何得不用去師云死漢問如何是無德真人師云者裏無安排你處上堂云古人道我今為汝保任此事終不虛也雖然如此作麼生會此事且莫失人保持請歇師於天聖三年八月三日三更示寂焚燒后

牧舍利起塔于本山俗壽五十六僧臘三十二  
杭州龍華山悟乘禪師俗姓程氏剡州人也幼歲出  
家受具遂至雲居問云如何是大道之源雲居云從  
甚處流出因茲大悟舉無疑滯咸平中州牧請坐龍  
華道場師開堂日僧問一佛出世諸天捧足和尚出  
世什麼人捧足師云足認來意問如何是佛師云向  
你道三十二相得麼問如何是龍華為人一句師云  
引無善巧問迦葉門風師紹續乞師方便指昏迷師  
云須知慙愧學云爭奈不明何師云莫謾大眾師一  
坐道場二十餘載至乾興元年六月朔日書偈云吾

有一訣凡聖同轍珍重禪流是生是滅儼然而逝俗  
壽五十九起塔于本山

明州廣慧禪院志全禪師錢塘人俗姓衛氏依本郡  
廣潤院出家受具得法於雲居齊禪師禪師明古人  
道阿那箇魔魅教你出家阿那箇魔魅教你行脚今  
日阿那箇魔魅教你到者裏師於言下契悟祥符中  
信州牧請開堂乾興元年明州請住廣慧禪刹師陞  
堂僧問如何是衲僧本分事師云你莫鈍致我僧礼  
拜師云却是大衆鈍致閣梨便下座師上堂僧問賊  
不打貪兒家時如何師云說向人也不信進云恁麼

則禮拜而退也師云得箇什麼  
 明州大梅山居煦禪師永嘉人俗姓周氏依天台般  
 若寺出家受具參雲居齊禪師雲居問汝從甚處來  
 若從僧堂來即是謾語不從僧堂來又是自瞞汝從  
 甚處來師於言下頓悟祥符中住大梅山保福禪院  
 師上堂僧問見聞不脫如水裏月此理如何師云不  
 可謔你也學云恁麼則見聞幸有真消息水月騰輝  
 更好觀也師云你却謔我問如何是古佛心師云不  
 用更沈吟問古人面壁意旨如何師云但恁麼會學  
 云未審如何領會師云且禮拜問沙玄見虎意旨如

何師云你還曾見麼學云恁麼即處个真塵个盡是  
 本來人也師云大衆且道者僧身知落處也未問諸  
 方幸有驚人句保福如何賜一言師云却成笑殺諸方  
 處列南明山仁壽院惟宿禪師開堂常日未陞座云大  
 衆休道此座高廣吾不能陞山僧道堂陞此座與諸  
 人對談第一義諦諸人還信也無又參上座同共證  
 明其如未曉重涉繁辭便陞座維那白菟云法筵龍  
 象衆當觀第一義師云更不勞觀也第一義現前若  
 也再觀却成廢力時有僧出禮拜師云勞而無功問  
 肯口梵王請佛蓋為群生今日郡牧請師當為何事

師云都官不虛相請學云恁麼則都官證明學人禮  
謝師云莫謔都官問祖七相傳々相印師今得法嗣  
何人師云你恐大衆不知問談真則逆俗順俗則違  
真師如何示人師云你也不得辜恩學云若不申問  
焉曉師機師云飽叢林問法人不隱藏古今常顯露  
如何是顯露底法師云見示大衆學云恁麼則學人  
謹退也師云知過必改

杭州龍華山寶乘寺有忠寶月禪師永嘉人也姓鄭  
氏依本州開元寺出家受具造雲居齋禪師法席雲  
居問從什麼處來師云浙中來居云是什麼物恁麼

來師擬祇對居云鈍根阿師參衆去師從此歇心樞  
衣數載至祥符初住杭州法雨院於天聖年牧主李  
及請居龍華道場焉師開堂日僧問昨日靈山今朝  
法雨未審是一是二師云更須子細問如何是佛師  
云孰不瞻仰問如何是西來意師云幾人曾問來師  
住龍華上堂僧問元首明哉服肱良哉師登寶座如  
何談道師云汝作麼生會學云恁麼即一言歸有道  
萬象出無心師云恁麼會又爭得

湖刈報本禪院義圓禪師開堂日州牧與大衆旣集  
師拈香畢僧問朝盛臨筵祖風再扇向上宗乘請師

舉唱師云郎中證明學云恁麼則一音纔震四衆咸  
聞也師云聞底事作麼生問師登寶座大衆雲臻從  
上宗乘如何指示師云若到諸方切忌錯舉進云恁  
麼即信受奉行去也師云你作麼生信受學云三乘  
教典曲爲今時達磨西來抑而印可也師云未信你  
在問如何是祖師西來意師云更要答話在  
南康軍雲居山惠震禪師上堂僧問靈山一會迦葉  
親聞此日一會何人得聞師云闍梨不妨惺々學云  
未審如何領會師云將謂剎剎開古鑑未磨時如何  
師云光彩何分學云磨后如何師云大衆總見問鼓

聲纔絕清衆咸臻爲人一句乞師垂示師云剎剎人  
得學云恁麼則人天有賴師云閑言語問如何是佛  
法大意師云大意祇如此問龍女獻珠得成佛學難  
人無珠可獻還得成佛也無師云無珠爭得成佛學  
云恁麼即學人無分也師云下恁麼會學云未審師  
意如何師云待汝悟了向汝道師又云大凡佛法也  
須是有箇發明處始得若無發明處假饒千問萬問  
也祇是隨言逐句並無一箇領會處枉用工夫奉勸  
諸人且體究竟箇悟處珍重  
閩州甘露禪院真禪師開堂日僧問昔日梵王請佛

蓋為群生知郡請師當為何事師云你道為何事  
問聖教有言槌鐘告四方請師為說法師云你道大  
教不知學云恁麼即甘露門中普潤群生也師云也  
須子細問靈山一會迎業親聞今日一會什麼人得聞  
師云你幾時到靈山學云恁麼即大眾側聆師子吼  
也師云莫亂道問承古有言光非照境人亦非存光  
境俱忘復是何物師云爭敢別注解學云豈無方便  
師云不妨會人言語問承古有言毗盧藏中有大經  
卷即不問如何是毗盧藏師云大眾盡見問如何是  
甘露家風師云一切成見進云恁麼即明君無睿澤

西祖轉芬芳也師云也不得錯會問生死到來如何  
迴避師云那箇是生死師上堂云佛法總不消如此  
祖師西來直示旨教諸人有箇省徑入處立地參  
取古佛如今立地了也且道古佛在什麼處諸人還  
見麼若有會處便與善才同參不必樓閣門前頓起  
諸位亦不讓於諸聖一分子祇許他先不可既有那  
是風格請諸人紹取依而行之久立珍重  
廬山慧日院達禪師上堂僧問師離脩水得屆仙居  
如何是不動尊師云你從什麼處來問羅漢也恁麼  
道寶覺也恁麼道未審慧日如何道師云別處作麼



生問馬師登座百丈捲席未審意旨如何師云剎剎  
人難得學云恁麼則師歸方丈大眾歸堂師云你又  
作麼生會學人禮拜師云莫虛頭師又云馬祖上堂  
百丈捲席若是衲僧便合知時不勞又立上堂僧問  
青蘿黃綠自上寒松之頂白雲滄汭出沒太虛之中  
學人上來乞師指示師云非君境界進云學人未會  
乞師方便師云適來不謾道問如何是仙居家風師  
云何似諸方問如何是釋迦寶劍師云非但能摧外  
道心亦曾落却天魔膽上堂僧問祖佛未出世時還  
有佛法也無師云祖佛什麼時出世進云恁麼則未

離堯率已降闍浮下度長江居少室也師云也是你  
恁麼會問一得永得時如何師云你得麼事作麼生  
進云恁麼則青青雲外唯獨立萬年松師云我也未  
信你在明祖師西來直指人心見性成佛未審意旨  
如何師云你還信得及麼問華開華落人皆委秋去  
冬來事若何師云委底事作麼生進云恁麼則往來  
人自老今古月長新師云有什麼交涉師又云祖師  
西來教外單傳心印直指人心見性成佛諸上座更  
不用再三环重師上堂云此方真教體清淨在音聞  
隨機設化應物施爲古人揀擇一門要人易解易入

且如楞嚴會上諸大聖人各述簡悟由豈是不知貴  
要后人從此而去如是不思議事設化多途無乖一  
揆諸上座此事也不在多聞記持博達古今自信取  
了各自修行不勞久立  
明州大梅山保福居素禪師上堂僧問靈山一會迦  
葉親聞今日一會誰人得聞師云迦葉聞底事作麼  
生進云今日豈是虛施此問也師云適來將謂是進  
云恁麼即昔日靈山今朝梅峰也師云且休待麼問  
如何是和尚家風師云不避機嫌啁蚌含未剖時如  
何師云謝見示問欲入無爲海須乘般若船如何是

般若船師云到岸也未問承古有言不起纖毫脩學  
心無相光中常自在未審此理如何師云又成費力  
進云乞師再垂方便師云何如古人問一即一切如  
何是一師云香臺露柱進云爭奈香臺露柱何師云  
情知汝不奈何問佛真法身猶若虛空如今虛空現  
前爲什麼不見佛師云爲汝好眼問如何是道師云  
問取門前按山進云祇者便是也無師云元來不解  
問大正說知見時知見俱是心知見即不問如何是  
心師云此問不當進云爲什麼不當師云爲你無  
知見上堂云汝但不循適靜合離恬變通塞生滅明

且知楞嚴會上諸大聖人各述箇悟由豈是不知貴  
要后人從此而去如是不思議事設化多途無乖一  
揆諸上座此事也不在多聞記持博達古今自信取  
了各自修行不勞久立  
明州大梅山保福居素禪師上堂僧問靈山一會迦  
葉親聞今日一會誰人得聞師云迦葉聞底事作麼  
生進云今日豈是虛施此問也師云適來將謂是進  
云恁麼即昔日靈山今朝梅峰也師云且休待麼問  
如何是和尚家風師云不避機嫌啁蚌含未剖時如  
何師云謝見示問欲入無爲海須乘般若船如何是

般若船師云到岸也未問承古有言不起纖毫脩學  
心無相光中常自在未審此理如何師云又成費力  
進云乞師再垂方便師云何如古人問一即一切如  
何是一師云香臺露柱進云爭奈香臺露柱何師云  
情知汝不奈何問佛真法身猶若虛空如今虛空現  
前爲什麼不見佛師云爲汝好眼問如何是道師云  
問取門前按山進云祇者便是也無師云元來不解  
問大正說知見時知見俱是心知見即不問如何是  
心師云此問不當進云爲什麼不當師云爲你無  
知見上堂云汝但不循漣靜合離恬變通塞生滅明

暗地是十二類諸有爲相隨拔一根脫黏內復六歸元真發本明耀七性發明諸餘五黏應拔圓脫不由前塵所起知見明不循根寄根明發由是六根互相爲用諸上座此是楞嚴經中如來標指如今不了者蓋爲外見諸法內有一心能所交馳輪迴於生死元是一精明分爲六和合一處成休伏六用皆不成又道一根既返源六根成解脫但得返源便得儻若返源去也然后眼得爲色耳得爲聲鼻得爲香舌得爲味身得爲觸意得爲法隨緣了達任性縱橫得無罣礙但怎麼會好又立珍重僧問如何是佛未出世

已前事師云衆人要知進云出世后事如何師云待別時來向汝道

越州清化山寶壽子昌禪師姓朱氏蘇州人也本州開元寺出家受具詣雲居山契悟於祥符年越州清化山請師出世師開堂日維那白拂云法筵龍象衆當觀第一義師云以斯觀者名爲正觀若他觀者非見佛也且問諸人還解怎麼觀得麼未能如是有疑請問時有僧問久乃不聞師子吼請師一句震雷音師云你什麼處去來問鴻鍾大擊法鼓遐聞如何是和尚爲人一句師云展轉爲流通問須菩提唱無說

而顯道釋梵絕听而雨華未審今日誰是聞者師云  
祇欠雨華在師后住杭列廣法院不疾而終闍維之  
右收舍利起塔于本山師俗壽五十二僧臘四十五  
灌列顯聖寺居曜禪師上堂僧問祖六相傳六祖印  
師今得法嗣何人師云人天大衆前進云恁麼即雲  
居一隻箭今日射三衢師云情知你恁麼會問如何  
是祖師西來意師云前后宗師荅未休問天得一以  
清地得一以寧和尚得一又如何師云說什麼天地  
進云還有利人分也無師云大衆笑你問如何是和  
尚家風師云老僧自來祇如此

潭州興化寺善能禪師開堂日僧問大衆雲集請師  
舉唱宗乘師云好問著進云恁麼則不負於師也師  
云莫用力問久更龍門如何得達師云汝幸是龍門  
客問如何是學人深大的人底事師云許你一著問  
如何是興化境師云觀瞻不足進云如何是境中人  
師云還見也未問如何是佛師云你問不是進云學  
人不會乞師指示師云且禮拜著上堂云大衆道箇  
省要已是周遮然雖如是且莫錯會久立珍重  
荆門軍清谿山清禪師上堂僧問如何披露與道相  
應師云你幾曾披露即與道不相應問如何是觀音

妙智力師云能救世間苦問如何是祖師意師云問  
取露柱進云如何是露柱意師云適來向道什麼問  
古路坦然如何履踐師云你是行脚人開心大不動  
時如何師云者鈍漢進云恁麼即禮謝師恩師云且  
莫羸心師上堂云初心未會々取若會不壞世間不  
出世間諸上座恁麼說底語是出世間語是不出世  
間語要會麼世間凝然一味法界久立珍重  
潭州北禪崇勝寺覺寧禪師上堂立云今日還有人  
問話麼時有僧問如何是佛法大意師下座歸方丈  
僧問如何是本來宗旨師云幸是出家人問如何是

文殊師云你須識取普賢進云恁麼即依而行之也  
師云莫錯會問如何是三界師云你喚什麼作三界  
進云恁麼即無三界也師云你適來問什麼問如何  
是道師云你還識得也未進云恁麼即謝證照也師  
云速禮拜著師上堂云如來光中映令暫現大即現  
也且喚什麼作如來光珍重

杭州南山省堂主姓楊氏謝池人也福列黃蘗出  
家受具后自雲居得法一日因經堂內有僧有經召  
師云世尊元來三十成道師云日許多持什麼處去  
來僧無語因官人入寺見木數條逐指問師云良匠

無餘材者箇什處得來師云用不盡底僧問乙年  
面意壁意旨如何師云與天下人為榜樣師逐自頌

祖師而壁九年餘

直至如今天下客

牧童頌二首

濛々烟雨草春肥

閑插野草了角上

又

牧童自有牧童親

一笛吹從林下過

天聖廣燈錄卷第二十九

此是西來末上機  
強將言句為施為

牧去隨時忘却歸

不能相悉謂狂機

豈與常流作並鄰

逍遙誰受人紅塵

福州等覺禪院住持傳法廣慧大師拜吳叔印

經板頭錢恭為

今上皇帝祝延

聖壽闈郡官僧同資禄位彫造

廣燈

錄一部計三函時大觀三年正月日

謹題

天聖廣燈錄卷第三十

吉州清源山行思禪師第十一世

廬山棲賢寶峯禪院澄謏禪師法嗣見錄

杭州南山興教寺惟一禪師

真列定山惟素山主

明列靈寶山惟則禪師

法那

錄語

杭州功臣山覺軻禪師法嗣見錄

蕪州西山堯峰院顯暹禪師

蕪州具江聖壽院志昇禪師

杭州臨安縣功臣山開化禪院如禪師

吉州清源山行思禪師第十二世

杭州靈隱山文勝禪師法嗣見錄

杭州靈隱延珊慧明禪師

常州薦福院師則禪師

湖州河山宣化院慧忠禪師

温州西山護國院崇禪師不語

湖州景清院智榮禪師不語

杭州龍華山悟乘禪師法嗣見錄

杭州靈鳳山太平禪院慧端禪師

岳州乾明院閑禪師機錄

台列瑞巖義海禪師法嗣見錄

湖州海會禪院如禪師機錄

明州瑞巖山開善院普禪師

東京景德寺僧志言附錄

杭州南山興教寺惟一禪師初開堂陞座維那白槌

云法筵龍象衆當觀第一義師云重言不當大眾還



委麼且作麼生是第一義若自觀者名爲正觀若佗  
觀者名爲邪觀或有問話請垂見示時有僧問覺華  
開處徧滿娑婆祖意西來合談何事師云孤援叫落  
中巖月野客吟殘半夜燈進云恁麼則昔日靈山今  
朝與教師云相識滿天下知心有幾人覺人佇思師  
云速還三拜問師唱誰家曲宗風嗣阿誰師云不避  
來機速當一問進云恁麼則五老峰前親得旨今朝  
與教度群迷師云不是知音者那能辨濁清問承古  
有言如來有正法眼藏付囑摩訶迦葉和尚今朝當  
付何人師云者裏有多少人進云未曉者如何領會

師云還我話來上堂僧問不落見聞請師答話師云  
三十年後問衆手淘金誰走得者師云是你眼皮重  
進云恁麼則駿馬不移蹄師云金在什麼處問狂風  
忽起掃蕩煙雲學人到此爲什麼不會師云真箇不  
會進云不探龍領爭獲驪珠師云珠在什麼處問透  
磨未來時如何師云索橋路險人難度進云來後如  
何師云少林閑坐九年餘問牛頭未見四祖時如何  
師云南來冬熟笋進云見後如何師云北去夏宜挑  
問佛未出時如何師云白雲數重進云出世後如何  
師云青山一帶問如何是道師云刺頭入荒草進云

如何是道中人師云乾屎橛問曹溪一曲師親唱未  
審如何扣得齊師云你試道者進云恁麼則謝師舉  
唱師云祇爲宮商調不同明大耳三藏第三度爲什  
麼不見國師師云脚跟下看進云如何得見師云草  
鞋根斷問和尚未見棲賢時如何師云春來好寒進  
云見后如何師云秋去盛熱  
真列定山惟素山主有僧問古人拈槌豎拂不當宗  
乘未審山主如何爲人師云且莫強惺大進云恁麼  
則却成起動也師云龍頭蛇尾漢如何是不遷師  
云暑往寒來進云恁麼則遷去也師云啼得血流無

用處問達磨心印師已曉試舉家風對衆看師云門  
前有箇長松樹夜半子規來上帝進云恁麼則白疊  
一派流注十方師云日月懸天風雲難蔽問知師洞  
達諸方肯臨機不答舊時禪如何是新奇師云若到  
諸方不得錯舉進云學人慙慙於座右莫不祇此是  
新奇師云折草量天問如何是定山境師云清風滿  
院進云忽遇客來將何祇待師云莫嫌冷澹師云若  
論家風與境也不易酬對多見指定處所教他不得  
自在曾有僧問大隨如何是和尚家風答云赤土上  
畫簸箕又云肚皮上不貼膀且問諸人作麼生會更

有夾山雲門臨濟風穴皆有此話播於諸方各人施  
設不同又作麼生會法無異敵殊途同歸告要省力  
易會但識取自家梁梓便能紹得家業隨處解脫應  
用現前天地同根萬物一體喚作衲僧眼睛絲火不  
漏絲髮苟或於此不明徒自伶俜辛苦有僧問衆手  
淘金誰是得者師云莫作貴進云不作貴又如何師  
云金在什麼處問如何是佛師云含齒戴髮進云恁  
麼則人人具足師云遠之又遠問如何是不生不滅  
法師云春到百華開秋來群木落進云恁麼則一年  
一度春也師云欠子細在問牛頭未見四祖時如何

師云成家立業進云見後如何師云立業成家問如  
何是一味法界師云花紅柳綠進云如何是定山路  
師云峭進云履踐者如何師云峻開萬法歸一一歸  
何所師云一葉落天下秋進云如何領會師云三十  
年後問承教有言無上法王有大陀羅尼門名爲圓  
覺流出一切清淨真如菩提涅槃未審圓覺從什麼  
處流出師云山僧頂戴有分進云恁麼則信受奉行  
師云依稀似曲纔堪聽師又云將知佛法須是徹底  
悟得方能始終一貫作用施爲得其自在若是覺成  
者終有劑限于細窮究便隨未忘本喚作流沙生死

無本可據所以教中去何況能以有思惟心測度如  
來圓覺境界如取螢火燒須弥山終不能著若論此  
事無用心處亦非懈怠而得却請上座各自迴光返  
照與道稍有相應其如不達宗旨總成逐塊僧問十  
二時中如何得與道相應師云皇天無親唯德是輔  
進云愈麼則不假脩證也師云三生六十劫問如何  
是深山巖崖迥絕無人處佛性師云月明千嶂裏風  
動萬年枝進云怎麼則處人菩提道明明功德林師  
云薰天炙地問如何是佛法大意師云山高海深問  
不見一法即如來方得名爲觀自在如何是觀自在

師云好大禮三拜進云莫抵者便是師云十萬八千  
蘇列西山堯峰院顯遷禪師初開堂有僧問法筵龍  
象衆當觀第一義如何是第一義師云你去什麼處  
來問海門三級浪專聽一聲雷時如何師云猶是未  
警發在問如何是佛師云無比不思議問先聖出世  
爲一大事因緣和尚今日出世當爲何人師云我恐  
你未是其人問如何是祖師西來意師云盡道九年  
曾面壁問如來路上無私曲便請去音和一場師云  
莫並巴兒曲須超白雲辭問祖人相傳人祖印師今  
得法嗣何人師云同道方知問如何是和尚爲人一

句師云山僧自來不曾容易上堂云止人不須說言  
詮道復優有疑如來決對衆莫淹留時有僧問學人  
有疑請師決師云者迴更莫淹留問未經爐冶時如  
何師云爭得成器問善財徧參還具本分事也無師  
云善財徧參爲什麼事問一念萬年時如何師云還  
得盡善也未問心經經未通時如何師云是誰之過問  
能所俱忘時如何師云那箇是你忘底能所問如何  
是真規自宛然師云千聖不能宣問如何是道師云  
堯舜其猶病諸問如何是密作用師云祇恐大衆未  
肯你問學人乍入叢林乞師一接師云去問承教有

言是法平等無有高下如何是平等德決師云堯峯  
高寶華低學云怎麼則却成高下去也師云情知你  
怎麼會問承教有言妙湛愒持不動尊首楞嚴王世  
希有如何是不動尊師云世希有學云怎麼則不動  
真際隔處發揮去也師云却不令人讚歎師云諸上  
座祇如此僧問不動尊山僧向也道世希有意旨又  
且如何莫是三祇果滿萬行功圓是世之希有麼又  
莫是當人分上本自圓成不勞修證麼若也怎麼會  
實謂妄認緣塵分別影事既不許上座怎麼會向者  
裏作麼生承當若也承當得便乃不從一地至一地

寂滅性中無有異若同者專承當未得不免須待龍  
華裏授記在各請歇去珍重上堂聞雷聲乃示眾云  
還聞雷聲麼還知起處麼若知起處便知身命落處  
若也不知所以古人道不知天地者剛道有乾坤不  
如喫茶去上堂僧問如何是堯峰境師云多少人看  
望不足問如何是道師云夕死可矣問如何是金剛  
力士師云者裏用不著問如何是孤峯節操松師云  
而今未堪看更待雪霜中間如何是佛師云休更歷  
僧祇問魚龍得水時如何師云踊躍無盡問片雲出  
洞時如何師云何必龍吟問亡僧遷化向什麼處去

也師云蒼天蒼天師復云大眾祇如來後一僧問亡  
僧遷化向什麼處去也山僧向他道蒼天蒼天且道  
意旨落在什麼處莫是悲傷遷逝痛憶道人麼若乃  
恁麼評論實謂罔知夫要知去處麼更不用久立  
歇去師春日堂云冬去春來樓閣門闕若也入得  
不用徘徊諸上座還向者裏入得也未若也入得所  
以古人道是處是彌勒無門無善財若也入之未得  
自是諸上座狂走更不切久立珍重  
蘇州吳江聖壽院志昇禪師初開堂時有僧問知師  
久醞葡萄酒今朝慈濟為誰開師云想你也未知滋

味也云恁麼則優曇華拈法界馨香佛日初開昏衢  
永耀即之不勞如此問寶座既登於此日家風一句  
請師宣師云你還證明得麼學云恁麼則人天有賴  
四眾咸忻師云閑言語問師赴群心揚祖道未知祖  
道嗣何方師云同道方知學云恁麼則錦里昔年親  
得旨松江今日度群迷師云却不是我同道問四眾  
臨筵當此日玄機一決為誰宣師云你不妨剎剎進  
云恁麼則非唯大衆朝宰露恩師云莫亂道上堂僧  
問如何是佛師云人大贊莫及師又云若論佛法更  
有什麼事所以竟古今山河古今日月古今人倫古今城

郭喚作平等法門絕前後際諸人還信得及麼若信  
得及依而行之名作珍重

杭州臨安縣功臣山開化院守如禪師初開堂日有  
僧問朝宰既伸於三請師將何法報深恩師云何以  
你特致問如何是功臣為人一句師云自來不曾埋  
没人間承教有言清淨本然云何忽生山河大地師  
云且道是誰致得進云恁麼則滿眼青山無寸樹極  
目綠水絕波瀾師云也是錯會問如何是功臣培師  
云上座合具行脚眼進云恁麼則峨嵋峭嶺千尋雪  
鼇背巍籠五色烟師云勿交涉問鼓聲雄震雲徒集

利人一句請師宣証云也須是你重發揚始得進云  
學人祇恁麼師意又如何師云將謂汝會我意師又  
云晨朝一粥諸人已各知時如今不可更與山僧處  
分喫茶去便下座上堂云大眾還知道聖僧同諸人  
到者裏麼既勞尊降焉敢替留久立珍重  
杭州景德靈隱寺慧明禪師延珊筠陽人也俗姓張  
年十三出家二十受具二十三行脚徧參知識景德  
二年遊錢塘遂挂錫于靈隱前住持慈濟大師文勝  
一日示衆云縱目所觀復何所見纔聞有悟乃爲領曰  
縱目所觀一何觀  
煙嵐疊嶂翠崖嵬

若曉自心非萬法

祖師誰道是而來

天禧二年府主馬侍郎請開堂昇座維那白槌去法  
筵龍象衆當顧第一義師云還觀得麼且作麼生觀  
爲復向長老陞座處觀爲復向維那白槌處觀若恁  
麼觀即沒交涉時有僧問昔日梵王請佛布演玉乘  
今日侍郎請師當說何法師云今日何似當時進云  
恁麼則人天有賴師云賴箇什麼問祖人相傳人祖  
印師今得法嗣何人師云你也不得進云恁麼  
則靈隱得旨雲居師孫師云其亂道問承侍郎踐疏  
有言黃花翠竹當軒直示於真如學人上來請師真



示師云侍郎曲爲上座進云恁麼則趙州栢樹人人  
委靈隱黃花處人問師云你也報侍郎恩未得問如  
何是靈隱境界師云一任觀取進云如何是境中人師  
云你作麼生會境界問不涉有無請師道師云話墮也  
問如何是道師云道遠乎哉問如何是佛師云巍巍  
堂人問如何是觀音入理之門師云我亦從中證問  
承古有言不是風動不是幡動未審此理如何師云  
歌去得也未問學人已踏破明暗雙關請師一接師  
云費力作麼問如何是露地白牛師云頭角甚分明  
問如何是正真一路師云絲髮不通進云恁麼則依

而行之師云莫亂走明山嶽無虧時如何師云白雲  
橫洞口上堂云與七座一線道且作麼生持論佛法  
若也水洩不通便教上座無安身立命處當此之時  
祖佛出頭來也有二十棒分恁麼道山僧還有過也  
無不見雲門大師道世尊生下周行七步目顧四方  
一手指天一手指地云天上天下唯我獨尊我當初  
若見一棒打殺與狗咬却何以如此圖得天下太平  
且道雲門恁麼說話有佛法道理也無雖然如此雲  
門也祇具一隻眼久立珍重

秋示

秋風蕭索凋黃葉

幾處衣砧聲切切

此箇圓成人理門

何處更教余重說

居山

自受<sup>愛</sup>居山獨守愚

白雲來往豈相踈

一寺石時茶罷林間去

信脚騰六步不虛

其二

自愛居山任寂寥

豈同塵世事喧囂

到者方知路不遙

常州薦福院歸則禪師上堂日僧問請師一言令學

人達本源師云汝是行脚人進云未達者又如何師

云誰是未達者問如何是祖師西來意師云東畔打

鐘聲問知師已唱胡家曲未審宗風嗣阿誰師云宗

風誰不知進云一曲已蒙師舉唱學人撫掌又如何

師云汝未是知音者

湖州何山宣化院慧忠禪師開堂日維那白槌云法

筵龍象衆當觀第一義師云唯在諦觀不須求覓恁

麼告報却成重說偈言若據適來維那白了便好散

去既若未散有事請問時有僧<sup>問</sup>一佛出世天雨四華

地搖六動和尚出世有何祥瑞師云更不要四華進

云恁麼則大衆霑恩學人禮謝師云我却謝你問優

鉢華易見善知識難逢學人無問請師不答師云莫  
漫大衆進云還有向上事也無師云你喚什麼作向  
上事問如何是何山境師云雨來山色暗雲出洞中  
明進云今日親得觀光也師云見什麼問諸佛出世  
轉大法輪和尚出世如何為人師云你什麼處見諸  
佛出世進云還有奇特事也無師云莫寐語問祖風  
蕩六時如何師云你是行脚僧

枕列靈鳳山太平禪院慧端禪師俗姓呂常州無錫  
縣人依枕列龍華寺悟乘禪師出家受具得法於本  
師更不他遊師初陞座時有僧問優曇華折人皆委

祖令親行事若何師云識法者懼進云恁麼則施行  
有據師云人小膽大問承聞和尚親見龍華是否師  
云承聞誰說進云已遂成山志何忘立雪功師云閑  
言語問如何是佛法大意師云一人舉令進云如何  
領會師云四海晏清問梵王請佛蓋為群生施恁麼  
則得聞於未聞師云聞底事作麼生進云專得流傳  
師云更須子細問昔日摩竭陀國親行此令和尙今  
日如何方便師云你擬不遵進云天上忽雷驚宇宙  
人天無不盡沾息師云閑言語問龍出洞中雷騰霄  
漢師登寶座四衆咸臻向上宗乘乞師一言師云一

任貶剡進云恁麼則學人禮謝師云得箇什麼問梵王請佛蓋為群生施主請師常為何事師云謝你證明進云恁麼則天人群生類皆承此恩力師云知恩人難得

明州瑞巖山開善院普禪師陞座僧問余離白雲之境已臨鄞水道場如何是不動尊師云你擬爭先問承請疏有言鐵牛石女因為了悟之談雪嶺曹溪克繼祖宗之美四衆風趨重垂開示師云學士亦見此問進云此日邊事雖可驗三才未兆始誰知師云莫成多事麼師云若然者為衆輒投師子吼深勞無畏

洩來機師云又爭得問師唱誰家曲宗風嗣阿誰師云你道大衆不知

東京景德寺僧志言者壽春人姓許氏受業於本寺七俱胝院常親法華講席一日如感心恙肆逸無羈容止甚異每遇諸塗但書空不已或紙札示人墨畫道麗徃大事符其文始誦法華經因著稱終呼為言風子然飲啖匪常弊垢靡澣而殊微俗狀集仙王篋潛試之具中饌既而延入齋房致問如何是祖師西來意丞荅曰青山影競潑嵐起寶塔高吟撼曉風又云請法華燒香曰未曾齋戒覓不向佛僧求又僧問

你是凡是聖法華以手指曰我在者裏住後有國子  
助教徐岳問如何是祖師西來意曰街頭東畔底進  
云未會曰三般人問不得又有人問如何是祖師西  
來意曰文殊在裏寺塔頭莫問佗達者目為散聖如  
佛圖澄寒山拾得者也故附於此

天聖廣燈錄卷第三十終



